



Na osnovu člana 64. stav (1) tačka b), člana 70. i člana 18. Poslovnika Centralne izborne komisije Bosne i Hercegovine („Službeni glasnik BiH“ br. 29/18 i 25/20), na preporuku Komisije za nabavku od 13.10.2020. godine, Centralna izborna komisija Bosne i Hercegovine je na 65. sjednici održanoj 14.10.2020. godine, d o n i j e l a

ODLUKU **o izboru najpovoljnijeg ponuđača**

- (1) Ugovor za nabavku Tehničke podrške aplikaciji za Reviziju finansiranja Političkih partija, Lot 4, dodjeljuje se ponuđaču „Nextvision“ d.o.o., Kolodvorska 11a, 71000 Sarajevo.
- (2) Ponuda ponuđača iz stava (1) ove odluke zadovoljava sve uslove utvrđene u predmetnom otvorenom postupku javne nabavke.
- (3) Ponuđaču iz stava (1) ove odluke, će biti dodjeljen ugovor na ukupnu vrijednost u iznosu od **9.350,00 KM bez PDV, odnosno 10.939,50 KM sa PDV.**
- (4) Ugovor će se dodijeliti u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.
- (5) Ova odluka stupa na snagu danom donošenja.

Obrazloženje

Postupak javne nabavke proveden je putem otvorenog postupka. Obavještenje o nabavci objavljeno je na portalu Javnih nabavki, broj obavještenja: 794-1-2-161-3-26/20 od 25.09.2020. godine. Primljena je samo jedna ponuda ponuđača „Nextvision“ d.o.o. Sarajevo.

Komisija za nabavku imenovana Rješenjem broj: 07-2-16-3-707-2/20 od 12.08.2020. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-707-18/20 od 13.10.2020. godine je u prilogu ove odluke) i utvrdila da je ponuda ponuđača „Nextvision“ d.o.o. Sarajevo prihvatljiva, budući da je u skladu sa zahtjevima iz predmetne tenderske dokumentacije i u okviru budžeta planiranog za predmetnu nabavku.

Komisija je uputila preporuku Centralnoj izbornoj komisiji BiH za izbor najpovoljnijeg ponuđača i dodjelu ugovora na iznosu od 9.350,00 KM bez PDV, odnosno 10.939,50 KM sa PDV.

U predmetnom postupku predviđena je e-aukcija. Obzirom da je primljena samo jedna prihvatljiva ponuda nije bilo moguće provesti e-aukciju a u skladu sa članom 3. stav (3) Pravilnika o uslovima i načinu korištenja e- aukcije („Službeni glasnik BiH“, broj 66/16).

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku: Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-707-26/20
Sarajevo, 15.10.2020. godine

Dostavljeno:

1. Ponuđaču
2. Odsjeku za materijalno finansijske poslove
3. na internet stranicu CIK BiH
4. a/a

